

Općinski sud u Sarajevu i to sudija Sedina Duraković, u pravnoj stvari tužitelja M. SRL; Strada dei Dossarelli 45- 29100 PLACENZA- ITALIJA, koga zastupa **Alma Prnjavorac advokat** iz Tuzle, Ul. Miška Jovanovića bb, protiv tuženog „E. S.“ d.o.o. SARAJEVO, Ul. Bulevar Meše Selimovića br., Sarajevo, radi neosnovanog sticanja koristi v.s.p. 31.563,74 EUR (61.707,11 KM), van ročišta dana 14.01.2013. godine, donio je:

**P R E S U D U**  
**- zbog propuštanja-**

Obavezuje se tuženi da tužitelju izvrši povrat neosnovano stečene dobiti u količini od 120 blindiranih vrata koja blindirana vrata nisu plaćena ili da isplati protuvrijednost za 120 blindiranih vrata u iznosu od 31.563,74 EUR (61.707,11 KM – obračunato prema prodajnom tečaju Centralne banke Bosne i Hercegovine važećim na dan podnošenja ove tužbe) sa zakonskim zateznom kamatama od 15.12.2010. godine pa do isplate cjelokupnog iznosa.

Obavezuje se tuženi da tužitelju isplati troškove parničnog postupka u iznosu od 2.836,69 KM, a sve u roku od 30 dana.

***O b r a z l o ž e n j e***

Tužitelj je tužbom od 15.12.2010. godine, kod ovoga suda pokrenuo parnični postupak protiv tuženog radi neosnovanog sticanja koristi.

Dana 22.11.2012. godine, tuženom je dostavljena tužba na odgovor u roku od 30 dana od dana prijema i to putem oglasne table suda i objavljivanjem u dnevnim novinama F BiH „Dnevni Avaz“ od 07.11.2012. godine, uz dopis ovog suda sa poukom tuženom o obavezi iz člana 70. stav 1. ZPP-a Federacije Bosne i Hercegovine.

Kako tuženi kojem je uredno dostavljena tužba nije u zakonskom roku sudu dostavio pismeni odgovor na tužbu, a tužitelj je u istoj predložio donošenje presude zbog propuštanja, to je sud na osnovu člana 182. stav.1 ZPP-a FBiH, donio odluku kao u izreci.

Odluku o troškovima, sud je donio na osnovu člana 383. st.1 ZPP-a Federacije BiH, i isti se sastoje, od troškova zastupanja tužitelju po advokatu i to za sastav tužbe iznos od 803,34 KM, materijalni trošak 42,35 KM, troškovi objave oglasa u iznosu od 40,00 KM, sudske takse na tužbu u iznosu od 1.851,00 KM i sudske takse na odluku u iznosu od 100,00 KM, što ukupno iznosi 2.836,69 KM.

**SUDIJA**

**Sedina Duraković**

**POUKA:** Protiv ove presude nije dopuštena žalba, ali tuženi može podnijeti prijedlog za povrat u prijašnje stanje. (član 183. stav 1. ZPP-a)